



Laura Táunâjik, Siumut
Inatsisartunut ilaasortaq
-/ Maani

10 FEB. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Tasiilami 2016-imi qilalukkanut qernertanut pisassiissutit pillugit § 37 apeqqut nr. 17-imut akissut

02-02-2016
Suliap normua 1968
All. nr. 2019308

Inatsisartut suleriaasianni § 37, imm. 1 naapertorlugu apeqqutinik Naalakkersuisunut nassiussaqaarsimavutit, Tasiilami 2016-imi qilalukkanut qernertanut pisassiissutit pillugit. Apeqquteqaatit uanga suliassaqaarfinnut akisassanngortinneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Qilalukkanik qernertanik 15. januar 2016 aallarnerfigalugu pisassiissutit Tasiilami 16-niinnarnik amerlassusilerneqarnerat ilumut taamatut aalajangiunneqarpat?
2. Kisitsisoqarnikuunngilaq, 2015-lli ingerlanerani apeqquteqaatinni akissutit ilaatigut imak akineqarnikuupput, ukiut tallimat ingerlaneranni kisitsinissaq aatsaat pisinnaasoq. Taamaassimassappat sooq pisassat suli ilanngartorneqaqqissappat?
3. Piniartut qanimut tusarniaavigineqarpat?
 - a. Taamaassimassappat qanoq akissutit imaqarpat?
 - b. Taamaassimanngippallu suna tunngaviua?
4. Inuussutissarsiutit tunumi qanoruna pilersaaruteqarfigigassigit atugassarititaasut oqilisaaviginiarnagit muminganilli ajornerulersinniarlugit kisiat ingerlanniarneqartut?

Apeqqut 1-imut akissut:

(Erseqqissaatigineqassaaq danskisut apeqqutini qilalukkat qernertat qaqqortallu apeqqutigineqarneri tunngavigalugu, danskisut akissutigineqartumi apeqqut akineqarmat kalaallisulli akissuteqaammi apeqqutigineqarneratuut akissuteqartoqarluni).

Aap tamanna eqqortuuvoq.

Tunumi qilalugaqatigiit qernertat qanoq innerat pillugu tatiginartunik paasissutissanik tunngavissaqaanngilaq. Taamaattumik Pinngortitaleriffimmit, kiisalu NAMMCO-mit¹ aamma JCNB-mit² inassutigineqarpoq Tunumi piaarnerpaamik timmisartukku kisitsisoqassasoq, qernertanik qilalugaqassuseq naliliiviginiarlugu, tassami kingullerpaamik kisiartaasumillu 2008-mi kisitsisimaneq pisoqalisimammat. Piffissaq sivitsoraluttuinnar-tillugu kisitsinermi inerniliinernik nutaanik pissarsiniarluni taamalu nutaamik siunner-suinermik, ikinnerusunik pisassiissutinik siunnersuisoqarnissaa kaammattuutigineqar-tarpoq mianersortumik periuseqarneq eqqarsaatigalugu, taamalu aamma Tunumi piso-qarpoq.

¹ NAMMCO = Imaani uumasunut miluumasunut Atlantikup Avannaani Kommission-i

² JCNB = Qilalukkat qaqqortat qernertallu aqutsivigineqarnerat illersugaanerallu pillugit Ataatsimoorussamik Kalaallit Nunaata/Canada-Ilu Kommissioniat.

Tasiilami qernertanik qilalugaqassuseq isigineqarpoq annikitsumik qilalugaqarfiusutut, uagullu qilalugaqatigiit ikittuinnaasut illersortartussaavagut. Taamaasiornikkut piffissami nalorninartorsiorfiusumi mianersortumik piniartoqartarnissaa qulakkeerneqartassaaq peqatigitillugulu qilalugaqatigiit aarlerinartoqannginnissaat qulakkeerneqartarluni siunissami ukiuni amerlasuuni iluaqutigineqartussanngorlugit.

Ilisimatitsissutitut oqaatigineqassaaq Washington Konvention (CITES COP-17) ingerlanneqassamat september 2016-imi. Qilalukkat qernertat USA-p allattorsimaffiutaaniipput suliarineqarsinnaasussatut qularnanngitsumillu Allattorsimaffik 1-imut allanneqarsimasussatut. Qilalukkanik qernertanik allattorsimaffik 1-imut allanneqarsimalersitsinerup qilalukkanit qernertanik tunisassianik avammut nioqqutiginnissinnaanerup siunissami ammaqquissinnaanissaa ajornavilersittussaavaa. Maannakkorpiaq Namminersorlutik Oqartussat tungaanit namminerisamik piumassutsimik avammut nioqquteqaqqusisoqanngilaq, CITES-mili aalajangiineq nunani tamalaani pituttuisumik sunniuteqalertussaavoq. Kalaallit Nunaani qilalukkanik qernertanik pisassiissutinik aalajangersaaneq uumasooqassutsikkut siunnersuinermit qaffasinnerusoq Kalaallit Nunaannut pitsaanngitsunik kinguneqarsinnaavoq. Taamannak pisoqarnera akuusunit qernertanik qilalukkanik allattorsimaffimilersitsiniarnermut kajumissaatitut atornerqarsinnaavoq, Kalaallit Nunaani pisat piujuartitsisuunngitsutut naliliivigineqarpata. Isumaqatigiissutsinut ilaasortaatiluta Kalaallit Nunaat nunani tamalaani pisussaaffeqarpoq.

Taamannak pisoqarsinnaanera kissaatiginngilluinnarpara, taamaasiornorummi sanalukkanik tunisassianik annertunerusumik avammut nioqqutiginninnerup qanorluunniit annertusarneqarnissaa pinaveersimatissavaa, tassunga ilanngullugit qilalukkat qernertat tuugaavi, taakkuninngalu tunisassiat.

Apeqquut 2-mut akissut:

Tamanna ilumoortuunngilaq. Pinngortitaleriffiup pilersaarutigaa aasamat Tunumi qilalukkanik qernertanik kisitsisoqarnissaa. Tamannali aatsaat piviusunngorsinnaavoq Pinngortitaleriffimmut siulersuisut februar 2016-imi missingersuutit akuersissutige-reerpatigit. Tamanna suliniutaavoq avataanit aningaasaliiffigineqarnermit pinngitsuisinnaanngitsooq, tamakkulu Pinngortitaleriffimmit avataani aningaasaateqarfinit pissarsiarinarneqartarput. Tunumi uumassusilinnik misissuinerit suliniutaapput akisuut.

Oqaatigineqassaaq Tunumi qilalukkanut qaqortanut pisassiissutinik aalajangersaasoqarsimannngimmat. Aatsaat ukiuni kingullerpaani marlussunni Tunumi qilalukkanik qaqortanik takunnittarneq nalunaarutigineqartalernikuuvoq. Takuuk § 37, imm. 1 naapertorlugu apeqquteqaat nr. 13-imut akissuteqaat.

Apeqquut 3-mut akissut:

Aap, 2016-imut qilalukkanut qaqortanut qernertanullu pisassiissutit tusarniaassutigineqarnikuupput. APNN tusarniaanermi akissutinik tamanik pissarsinikuuvoq naliliivigisimal-lugillu, tamakkiisumillu takussutissiaq Naalakkersuisunut saqqummiunneqarput pisassiissutinik inaarutaasumik akuersissuteqannginnermi.

Apeqquut 4-mut akissut:

Naalakkersuisoqatigiinnissamat isumaqatigiissut naapertorlugu "Tunumi Tasiilap eqqaani Ittoqqortoormiunilu aalisarnermik inuussutissarsiuuteqarneq immikkut pilersaarusiugaasumik siuarsarneqassaaq, aalisariuteqarnikkut tunitsiveqarnikkullu ineriartortitsiviusumik."

Aalisarnerusinnaasunik kiisalu tunitsiveqarnikkut suliarinnittarnikkullu periarfissanik misissuinnermut atatillugu, Naalakkersuisunit Tununi aalisakkanut assigiinngitsunut assigiinngitsunik atortoqarluni sinerissamut qanittumi misileraalluni aalisarnerit aallartinneqarnikuupput. Taamatut misileraalluni aalisarnerit 2014-imi aallartipput 2015-imilu ingerlaqqillutik. Pilersaarutaavoq misileraalluni aalisarnerit 2016-imi ingerlaqqissasoq. Taamannak misileraalluni aalisarnertigut siunertaavoq Tunumi aalisarnermut periarfissat paasiniarneqarnissaat, taamaasilluni kingusinnerusukku tunitsiveqarnermut suliarinnittarnermullu periarfissat naliliivigineqarsinnaassammata.

Malugeqqussavara Inuussutissarsiornermut, Suliffeqarnermut Niuernermullu Naalakkersuisoqarfik immikkut uunga apeqquteqaammut ilassuteqassammata, nutserneqareerpallu nassiunneqassalluni.

Naggataatigut ulloq 12. august 2015-imi Tunumi inuussutissarsiornikkut periarfissat pillugit § 37-mi apeqqutigisannut akissutigereernikuusannut innersuussissaanga.

Inussiarnersumik Inuulluaqqusivunga

Karl Kristian Kruse